

雍

州

金

石

記

雍州金石記卷五

唐

景龍觀鐘銘 正書

今在西安府城迎祥觀略云景龍觀者中宗孝和皇帝之所造也但名在騫林而韵停鐘簨廣召鯨工遠徵鳬匠云云景雲二年太歲辛亥金九癸酉金朔一十五日丁亥土鑄成序銘共二百九十二字大徑寸許鐘甚鉅厚七寸餘搨之稍輕則不聞聲觴賸云必塞其內空方可搨之蓋出於傳聞未嘗目覩也景龍觀創自中宗睿

寶川集卷五
宗鑄鐘作銘開元時曰迎老子玉像改今名樓
築於層臺之上為城中偉觀石墨鐫華金石文
字記俱云在西安府鐘樓上誤鐘樓在朱雀街
之中非迎祥觀鐘樓也

涼國公契苾明碑

正書

今在咸陽縣北五里藥王洞後碑首篆書大唐
故大將軍涼國公契苾府君之碑十五字題曰
大周故鎮軍大將軍行左鷹揚衛大將軍兼賀
蘭州都督上柱國涼國公契苾府君之碑銘并
序肅政御史大夫上柱國妻師德製文肅政御

史殷元祚書略云公以大周萬歲通而元季歲
次景申八匝庚午朔十五② 申葬於咸陽縣
之先塋夫人唐膠西公孝義之長女長子左豹
韜衛大將軍兼賀蘭州都督上柱國涼國公聳
次子右武威衛郎將上柱國姑臧縣開國子嵩
右玉鈴衛郎上柱國番禾縣開國子崇先天元
年歲次壬子十二月十六日辛亥孤子息持進
上柱國涼國公嵩立父碑按唐書契苾明傳悉
與碑合石墨鐫華云明長子龍封涼國公而後
云孤子息涼國公嵩立又何也明葬於萬歲通

天元年碑立於先天元年仍稱大周革命仍用武后製字都不可曉金石文字記亦以此為疑愚謂此蓋明葬時婁為之製文殿為之書是以稱大周用武后所製字其碑中稱李孝義為唐膠西公以在周時不得不稱唐也碑文已書而未立至先天二年始立耳不然婁師德卒於聖歷元年至先天元年已十餘年矣焉能起而為之製文其先天元年數行書法似別出一手且所書俱不用武后字可為明驗無疑至立碑乃次子嵩或製文書碑時三子無恙至先天時聳

已故焉知非次子嵩龍爵葬時嵩與崇不過子
爵今嵩稱涼國公涼為契苾氏世爵此亦一明
驗史止言聳龍爵不言嵩又龍爵何知非史之
缺耶

顧炎武曰明父何力史作何而此碑作河又其
中特勤字再見皆特勤之訛按唐書突厥傳可
汗者猶古單于其子弟謂之特勤

兗州都督于知微碑 正書

今在三原縣北五十里三家店碑首篆書大唐
故兗州都督于府君碑銘十二字略云君諱知

微字辦機曾祖宣道周儀同大將軍隨內史舍人左衛率上儀同誠安子皇朝贈涼州刺史謚曰獻祖志寧皇朝秦王友禮部尚書侍中尚書左僕射太子太傅太師蒲岐華三州刺史上柱國燕國公贈幽州都督謚曰定父立政皇朝吏部郎中國子司業太子率更令渠號二州刺史太僕少卿君除太子左庶子并累封東海郡侯除兗州都督以開元二年六月廿一日薨於里第開元二年十一月十八日遷祔於京兆府三原縣萬壽鄉舊塋嗣子朝議大夫行密州

上柱國東海郡開國子勤次子朝議郎行左
監門率府長史上柱國武陽縣開國男克構朝
議郎行華州司戶參軍上柱國黎陽縣開國男
克懋等金石文字記作姚崇撰今已漫漶不可
讀按知微乃立政之子與大猷同父其世次與
大猷碑及唐史有小異讀者當自得之至唐史
志寧傳贈幽州都督大猷碑稱志寧贈幽州刺
史今知微碑又與大猷碑同則志寧之為幽州
都督為史之誤無疑也

雲麾將軍李思訓碑 行書

今在蒲城縣二十五里橋陵下題曰唐故雲麾
將軍右武衛大將軍贈秦州都督謚曰昭公李
府君神道碑并序略云公諱思訓字建碑下半
已磨滅存字千許有邕書尚隱隱可識按冬夜
箋記及春明夢餘錄俱稱李北海有兩雲麾碑
一為李秀在良鄉今在宛平令署中一為李思
訓在蒲城石墨鐫華以為在良鄉者為趙文敏
書蓋不知有兩雲麾耳

尹尊師碑 八分書

今在盩厔縣樓觀碑首篆書大唐尹尊師碑六

字題曰大唐故宗聖觀主銀青光祿大夫天水
尹尊并序銀青光祿大夫行太子右諭德

兼崇文館學士上柱國平涼縣開國公貞半千

撰略云尊師缺四字景先天水隴西人也曾祖

洪字文朝商州長史大父舒隋文州別駕昭考

珍皇朝散大夫尊師以長壽四年四月十二日

遷兆於終南開元五年月二日弟子侯少微

等建後有正書小字云碑建於開元歲久益舛

重摹於石大元大德年云云

華嶽精享昭應之碑八分書

今在華陰縣西岳廟中其文刻於後周西岳頌
之陰碑首篆書華嶽精享昭應之碑八字宣義
郎行華陰縣主簿咸康撰殿中侍御史劉升書
銀青光祿大夫檢校華州刺史上柱國李光休
題額碑之右旁有顏魯公大字題名左側有賈
竦謁華岳廟詩碑左下方空處有檢校水部員
外郎崔頫華陰縣令韋綬貞元元年二月六日
記按金石錄有劉昇善分書疑即碑中之劉升
顧炎武曰此碑前後空處為宋人攬入題名甚
多幸正文皆八分書題名或隸或行不相混耳

廟中古碑嘉靖末地震多毀唐碑惟此與述聖
頌二通僅存

又曰古碑陰多無刻字故後周之碑而唐人得
以刻之觀此一碑而周人之質樸唐人之謙約
兩見矣按此為華陰縣主簿盛虞而新唐書趙
冬曦傳有大理評事盛虞亦開元時人恐即是
一人

華嶽題名 正書

今在華嶽廟後周華嶽頌碑之右側錄於左
皇唐乾元元年歲次戊戌冬十一月戊申真卿

自蒲州刺史蒙恩除饒州刺史十有二日卒
次於華陰與監察御史王延昌大理評事攝監
察御史穆寧評事張澹華陰令劉嵩王簿鄭鎮
同謁金天王之神祠顏真卿題記凡四行八十
五字字徑一寸五分

顧炎武曰王伯厚言華嶽題名五百十一人再
題三十一年自開元訖清泰今存者惟此與述
聖頌二碑不過二十餘人而已又曰地震之後
以碎石裝砌嶽廟大門牆上亦有唐人題名今
王無異所搨得者通共九十二人有裴士淹李

德裕李商隱名

賈竦謁華嶽廟詩

正書

今在華嶽廟華嶽精享碑之左側題云謁華岳
廟詩賈竦作并書老栢寒颼颼清祠晝寂寂開
門華山北嵐氣沉日夕國家崇明祀五嶽盡封
冊福我西土民報君金天籍惟神本貞信以道
徵損益無乃惑聰明訛言縱巫覡目循作風俗
相與成舊溺疚病

毗

往來役我行歲

云暮登殿乘瑤席奠酒徹明靈緒言多感激鬱
然展冠冕凜若生矛戟斑駒石色重陰深香煙

蠻似有聞依稀
疑所覲髫年業文翰弱冠薦屯厄天命幾微茫
神達徒悚惕今來遊上國幸遇陶唐歷正直不
吾欺願言從所適唐元和元年十月二十八日
其旁有姪男宣義郎行華州參軍琳太和六年
四月廿六日重脩

詩之上一層有禮部尚書裴士淹出為饒州刺
史大歷五年六月六日於此禮謁字大寸餘書
法極佳

詩上第二層有華州司士參軍郭豐華陰縣丞

李沖華陰縣主簿姚鵠舉華陰縣尉韓晤華陰
縣尉苗華華陰尉崔載門下典儀李誠明以上
各為一行人
元和元年七月七日同會於此載題

詩下第一層有朝議郎行太子司議郎兼華陰
縣令李仲昌行丞田遊業行丞同正韋澣行主
簿韋況行尉崔頤行尉王卓行尉蘓淮陽廣德
年三月韋澣書記

又有朝議郎行下邽縣丞孫廣試衛尉少卿田
遇廣德二年六月十三日謁

詩下第二層有鄭縣尉李愬以開元廿四年六

月六日 勅簡此字照碑書 蓦飛騎使判官向陝驕
州點復其月十四日事了廻便充京畿採訪使
勾覆判官此過赴京

又有內使奉勅祭守別駕臨潼縣開國男蘓頽
從開元六年八月廿七日

述聖頌 正書

今在華陰縣嶽廟中額正書述聖頌三大字略
云京兆府富平縣尉達奚珣撰序左補闕集賢
殿直學士呂向撰頌并書其陰之上方有韓賞
告嶽神文韓擇木八分書下方有大歷九年華

陰令盧朝徹謁嶽廟文有貞元九年十三年題
名左側有乾元二年張惟一祈雨記右側有上
元年華陰令王省等題名李樞書上為篆下
為八分金石文字記作開元十三年就碑陰額
上所題也按金石錄有呂向當即其人又書史
會要李樞宗室平均尉官侍御史工小楷古篆
告嶽神文 八分書

今在華陰縣嶽廟述聖頌碑陰之上方額正書
開元十三年六月九日建十大字略云惟廿七
祀孟秋右補闕韓賞敢昭告于奉華府君祠廟

今者內禱于心外盟于神如有一心公朝戮力
惟神是福崎嶇正道僂俛在位惟神所殛
云云司馬韓擇木書按此乃盟神之文古人居
心不昧於此可見

祈雨記 八分書

今在華陰縣岳廟述聖頌碑之左側大唐中興
冠復兩京後乾元元年自十月不雨至於明年
春朝散大夫使持節華州諸軍事檢校華州刺
史平原郡開國公賜紫金魚袋張惟一與華陰
縣令劉嵩永 峴永員外置同正員李緩主簿

鄭鎮尉王榮尉高佩尉崔季陽於西岳金天王廟祈請初發言雲興倏登車雨降蓋精意所感致明神應期庶伸之能不慙方伯之事時

二月十日題紀前金州刺史李權書按書史會要李權宗室李平均叔官至金州刺史工八分

王宥等題名 八分書

今在華陰縣嶽廟述聖頌碑之右側上為篆書
大唐上元元年冬十有二月十一日同謁嶽祠
書記下為八分書華陰縣令王宥前令王紓丞
王沐尉李齊全尉權頌鄭縣主簿張彬尉竇璡

下邽縣丞李演尉邢涉處士王李友張彪著作
郎孟昌原京兆府法曹參軍李樞書并篆按書
史會要李樞宗室李平均升官至侍御史工小
楷古篆

嶽廟題名殘碑

今在西嶽廟門樓下俗稱五鳳樓樓凡五間中
三左右各一明時地震後以碎石砌左右門牆
腳其右一間之牆下皆碎碑所砌石已撲鑿漫
滅間有可識者有云司勲員外郎薛存華陰縣
令柳聞華陰縣主簿裴秩華陰縣尉杜文舉前

華陰縣尉王

野客李田元

和四年九月十九

日有云正議大夫使持節諸軍事守華州御史

中丞充潼國軍等使上柱國開國男食邑三

金魚袋李虞

太和四年七月十

詔以

立秋脩祀南都團練料官事柳乘同來

當者誤字

有云監察御史于德晦華州鎮國軍判官試大
理評門

大中六年二月廿二日有云侍御

史張權大中五年八月一日拜廟而西有云紫

金魚袋張權

上有七八字已漫滅

大中七年四

月十一日

下有四五字漫滅

有云戶部侍郎楊

凝式街命祭

疑昔字

清泰

以下漫滅

有云若

諫議大夫李祁方大中元年三月三

以下漫滅

數字又左角門樓牆下亦多舊碑皆漫滅無一

字可識按集古錄云華嶽題名五百十一人再

題三十一年自開元訖清泰今所存無幾故於

零落殘缺之餘記之特加詳焉云云今余通計

得題名者六十二人清泰字猶依稀可識顧林

亭金石文字記云嶽廟牆上亦有唐人題名今

王無異所搨者通共九十二人有裴士淹李德

裕李商隱名今余所收又少三十人而李德裕

李商隱之名已不可覓矣已上各碑及題名各
不同時以俱在嶽廟故并記於此

雍州金石記卷六

唐

馮十一娘墓誌 正書

今在寶雞縣二尹署中蓋篆書唐故馮氏婦墓
誌之銘九字題曰唐將作監主簿孟友直女墓
誌并序女十一娘字心河閻人也年十九適馮
貞祐敬極如賓禮優侍櫛雖靡他之志將固於
同心而與善之徵竟虧於異物嗚呼哀哉春秋
廿以開元二年七月廿日終於洋州興道縣解
舍開元三年四月九日葬於陳倉縣之興平原

禮也惟父與母恩深骨肉痛切哀憐方備儀於
幽隧用留念于終年迺為銘曰天道懸遠神理
難明嗟彼渙譽淪乎此生荒誕月照古樹風驚
人誰不死爾獨傷情此石寶雞鄉人於土中得
之以為玉也携賣於市久而無售遂棄道旁寶
雞丞王君著愚好古士也取而藏之聞余記閑
中金石搨以相寄此誌乃父為亡女作可以為
式故備錄之且唐時州縣亦是備考也

鎮軍大將軍吳文碑 集王右軍書

今在西安府儒學明萬歷末浚西安府城濠得

之移於學中俗謂之半截碑蓋惟碑之下半截存耳存七百餘字有云碑在京興福寺塔常住大雅集晉右軍將軍王羲之行書略云惟大將軍吳公諱文字才父節皇朝金紫光祿大夫行內常侍神龍二年制舉公鎮軍大將軍夫人恒國李氏圓姿替月潤臉呈花先公而殯公以開元九年十月廿三日備定云云

顧炎武曰其文有云夫人李氏圓姿替月潤臉呈花唐人寫狀婦容云爾猶有碩人詩意今人以為嫌不肯作此語矣

御史臺精舍碑

八分書

今在西安府儒學碑首篆書御史臺精舍碑六字題曰大唐御史臺精舍碑銘并序中書令崔湜任殿中侍御日摹文後署開元十一年殿中侍御史梁昇卿追書

顧炎武曰碑陰題名表其上格曰侍御史并內供奉列盧懷慎等名中格曰殿中侍御史并內供奉列崔湜等名下格曰監察御史下有一并字下缺不全列陸景初等名其盧崔陸三人姓名並八分書蓋梁筆也餘則正書乃後人續書

之者 碑額空處前後皆有刻前刻監察御史
及姓名後刻知襍侍御史及姓名有自天寶元
載以後七字按天寶三年始改年為載不當云
元載恐是追書按顧記詳明故錄之不再記又
碑之兩邊俱題姓名有侍御史字凡兩見顧記
失之

內侍高福墓誌銘 正書

今在西安府儒學近出於白鹿原土中移此蓋
篆書大唐故高內使墓誌銘九字題曰大唐故
中大夫守內侍上柱國渤海高府君墓誌銘并

序麗正殿脩撰學士校書郎孫翌字季良撰略
云君諱福字延福渤海人嗣曰力士以開元十
一年十二月廿五日終於東庭里之私第春秋
六十有三明年太歲在甲子正月壬戌朔廿一
日壬午窆於白鹿原按唐書高力士傳力士馮
蓋曾孫高延福養為子故冒其姓延福與妻及
力士貴時故在侍養今誌中不言養子者諱之
也

淨業法師塔銘 正書

今在西安府城南五十里香積寺題曰大唐龍

興大德香積寺主淨業法師靈塔銘并序正字
畢彥雄文略云法師諱象字淨業趙姓父廸天
馬監法師即監之仲子也開元十二年甲子之
歲六月十五日建

涼國長公主碑

蘓頤撰

玄宗八分書

今在蒲城縣

顧炎武曰其文有云開元十二載八月辛丑薨
於京永嘉里第按唐書天寶三年正月丙辰朔
改年為載而此在其前二十年已云載矣蓋字
中偶一用之後乃施之詔令符牒耳

左領軍衛將軍乙速孤神慶碑

今在醴泉縣北六十里叱干村碑首篆書大唐
故右虞侯副率檢校左領軍衛將軍上柱國乙
速孤府君碑二十五字碑斷為二漫滅不可讀
存千二百餘字集古錄有此碑而無行儼碑今
記集錄於左以備考

集古錄右乙速孤神慶碑弘文館學士苗神客
撰神慶唐初仕三衛高宗時為太子右虞侯副
率以卒乙速孤氏在唐無顯人惟以其姓見於
當時者神慶一人而已元和姓纂但云代人隨

魏南徙而已其叙神慶世次又多闕繆而此碑
所載頗詳云其先王氏太原人有嗣代祖顯為
後魏驃騎大將軍賜姓乙速孤氏遂為京兆醴
泉人曾祖貴隋河州刺史和仁郡公祖安隨益
州都督父晟唐驃騎將軍乙速孤氏世無可稱
而其姓出羌狄莫究其詳僅見於此碑可以補
姓纂之略以備考求故特錄之

右武衛將軍乙速孤行儼碑 八分書

今在醴泉縣北六十里叱干村碑首八分書唐
故右武衛將軍乙速孤公碑十二字題曰大唐

故右武衛將軍上柱國乙速孤

碑銘并序

正議以下缺十五字

上柱國劉憲撰朝議郎行

校書郎白羲暉書略云公諱行儼字行儼本姓

王氏太原人也五代祖有功於魏

以下四十三字多不可辨

曾祖安齊前鋒都督右武侯右六

府驃騎將軍開府儀同

以下缺四十二字

祖晟

皇朝上閑府右武侯右府左車騎將軍驃騎

將軍歲缺十五字父神慶右虞侯副率檢校左

領軍衛將軍公以神龍二年墨制授武將

軍守右武衛將軍春秋七十有二景龍元年十

二月十五日薨夫人常樂縣君賀若氏宋公弼
之姪孫開州刺史懷武之第六女景龍二年歲
次景申二月辛卯朔十五日景午合葬於醴泉
開元十三年歲次壬午二月景辰朔十六日辛
未令曹州濟縣令滿建此碑惜已漫滅

多不能辨其可識者尚堪與集古錄互相訂正
也又金石文字記作右武衛大將軍考碑額及
碑題文內所叙均無大字乃誤記也按白羲胫
善分書見金石錄

恩恆律師誌文

正書

今在西安府南門外二十里神禾原塗山寺題
曰大唐薦福寺故大德思恒律師誌文并序廓
縣尉常 文略云律師諱思恒 顧氏

吳郡人曾祖明周左監門大將軍祖元隨門下
上儀同三司蔡蕪郡開國公使持節洪州諸軍
事行洪州刺史父藝皇朝恒州錄事參軍開元
十四年十一月廿六日終於京大薦福寺年七
十有六其年十二月十五日葬神禾原塗山寺

東

佛頂尊勝陀羅尼經石幢 正書

今在隴州木塔寺內石幢八面高六尺餘諸寺
石幢之竇莊嚴者題曰佛頂尊勝陀羅尼經罽
賓沙門佛陀波利奉詔譯後書大唐開元十六
年歲次戊辰十一月甲午朔八日乙丑汧源縣
丞楊淡上為開元神武皇帝下及法界蒼生夫
人韓氏等敬造佛頂尊勝陀羅尼石幢其空處
有宋人題名

比丘法澄塔銘

行書

今在西安府城外東南二十里馬頭空題曰大
唐故興聖寺主尼法澄塔銘并序略云法師諱

法澄字元所得俗姓孫氏樂安人也祖榮涪州
刺史父同同州馮翊縣令法師第二女上元二
年出家遷神春秋九十開元十七年十一月三
日也以其月廿三日安神於龍首山馬頭空塔
所宗正卿上柱國嗣彭王志暕撰并書此碑七
百餘字筆畫如新惟宗正卿以下十一字微有
磨泐亦俱可識無疑金石文字記僅載志撰其
彭王及暕字俱缺蓋搨時遠有模糊耳按唐書
志暕為彭思王元則嗣附見思王傳

比丘尼堅行禪師塔銘 正書

今在西安府城南題曰大唐宣化寺故比丘尼
堅行禪師塔銘禪師諱堅行俗姓魚氏京兆府
櫟陽人也以開元十二年十月廿日遷化春秋
七十有六開元二十一年起塔閏三月十日此
石高僅七寸廣六寸計百五十字文亦不佳而
小楷書極精謹可喜曰思唐世書法之妙雖片
石隻字皆宜收藏不以豐碑大碣也

代國長公主碑

正書

今在蒲城縣題曰大唐故代國長公主之碑略
云公主諱華字花琬睿宗第四女降歸於鄭時

中開元廿二年十二月三日建按唐書代國公主下嫁鄭萬鈞今碑作鄭時中宜從碑

美原縣尉張府君墓誌銘

正書

今在西安府城南二十里杜城題曰大唐故京兆府美原縣尉張府君墓誌銘并序略云君諱昕字道光京兆長安人祖宗隨襄城郡守和易二州刺史祖勣朝散大夫上柱國行閬州西水縣令父玄禕中大夫行寧州長史君取父蔭授涇州鶴觚縣尉秩滿選授汾州隰城縣尉父憂服終選美原縣尉以開元廿四年秋七月四日

終春秋五十有七即以其年歲次景子十月三
日窆於京城南城東二百步舊塋按誌內祖宗
字當是祖字上失寫曾字其曾祖名宗耳

大智禪師碑 八分書

今在西安府儒學碑首篆書大唐故大智禪師
碑八字題曰大唐故大智禪師碑銘并序中書
侍郎嚴挺之撰右羽林軍錄事叅軍集賢院侍
制兼校理史惟則書并篆額略云法師諱義福
上黨人廿三年秋八月始現衰疾明年夏五月
奄忽棄世皇帝降中使特加慰賜尋榮謚號曰

大智禪師開元廿四年歲在丙子九月丁丑十八日甲午建

碑陰題曰大智禪師碑陰記河南少尹陽伯成撰略云捨淨財者人具題爵里於時歲在辛巳五月庚戌十八日丁卯皇唐開元廿九年也通直郎行河南府伊闕縣尉侍制兼校理史惟則書施碑石主弟子朝散大夫行華原縣令劉同進法師塔銘

正書

今在西安府城南實際寺題曰大唐大溫國寺故大德進法師塔銘并序法師名進俗姓高氏

渤海人石墨鑄華云太子司儀陳光撰僧智詳
書磨泐僅存形似今更漫滅并書撰人亦不能
辨矣

比丘尼惠源和上誌銘

正書

今在西安府儒學近出土中移於學內題曰大
唐濟度寺故大德比丘尼惠源和上神空誌銘
并序京兆府倉曹參軍楊休烈撰姪定書略云
大師諱惠源俗姓蕭氏大父諱瑀皇中書令左
右僕射司空宋國公父鉉給事中利州刺史大
師年十二詔度為濟度寺尼嘗於少陵原為空

開元十五年秋九月二日歸寐即以十一月旬
有二日從事於空塚唐史瑀好浮屠法間請捨
家為棄門其後第三女法願女孫惠源相繼為
尼有自來矣瑀子銳附見瑀傳而不及銳

祠部員外郎裴稹墓誌 正書

今在西安府城南題曰大唐故朝議郎行尚書
祠部員外郎裴君墓誌銘并序族叔禮部員外
郎朏撰兼書略云公諱 字道安河東聞喜人
高祖定州大將軍馮翊太守嚴琅琊公曾祖仁
基 光祿大夫兼河南道討捕大使贈原州

都督謚曰忠祖行儉禮部尚書兼定襄道行軍
大摠管聞喜公贈太尉謚曰獻考光庭侍中兼
吏部尚書贈太師謚忠獻公開元初舉孝廉高
第授左千牛備身轉太子通事舍人調補太常
寺主簿丁太師憂太師公直道不回同列害其
公忠定謚之辰將沮其羨公晝夜泣血詔改謚
忠獻憂制缺拜起居郎遷尚書祠部郎以開元
廿八年十二月十九日壬申旋葬於長安萬春鄉神禾
二月癸丑廿日壬申旋葬於長安萬春鄉神禾
原嗣子倩等式刊貞石云云按唐書裴稹附見

裴行儉傳其世次官爵悉與史合惟誌稱舉孝廉高第史稱以蔭仕為不合耳又史稱開元末壽王瑁以母寵欲立為太子稹諫玄宗改容謝之誌中未載茲事有云明光伏奏問望攸昭抑亦隱約其詞耶又公諱稹之稹字已漫滅以唐史考之猶隐隐可辨故定以為稹無疑也

夢真容碑 行書

今在藍屋縣南三十里接觀碑無題首直書勅旨中書門下兵部尚書侍中張九齡等奏臣等曰奏事親承德音夢見一真容云吾是汝遠祖

吾之形像可三尺餘在京城西南百餘里即命
使同諸道士求得之於蘊厓樓觀東南山阜間
迎至興慶宮大同殿請於開元觀具寫綸言勒
於貞石開元廿九年六月一日字約寸許行書
殊草草德音陛下等字俱實寫碑首正書重摸
蘓靈芝書唐老君應見碑十二字蓋道士重摸
者其原碑已不可覓矣世不知此碑為重摸者
不搨碑額耳

雍州金石記卷七

唐

金仙長公主碑 行書

今在蒲城縣北二十里賈堡玄宗御書題曰大
唐故金仙長公主神道碑銘略云高宗天皇大
帝之孫睿宗大聖 皇帝之女碑已漫滅不可
讀其碑題之次行有八分書御書二字其下有
正書中大夫十餘字已不能辨蓋撰文徐嶠之
術也碑後有八分書散騎郎十餘字亦不可辨
鄭國長公主碑 八分書

今在蒲城縣玄宗御書

褒封四子勅

正書

今在藍屋縣南三十里樓觀勅上篆書唐褒封
四子詔六字詔語錄如左

勅門下昊穹眷命烈祖降靈休昭之儀存乎祀
典莊子列子文子庚桑子列在真仙體茲虛白
師玄元之聖教弘大道於人寰觀其微言究極
精義比夫諸子諒絕等夷其莊子宜依舊號曰
南華真人列子號曰冲虛真人文子號曰通玄
真人庚桑子號曰洞靈真人其四子所著書隨

號稱為真經宣布中外咸使聞知天寶元年二

月廿日

陀羅尼經頌序石幢 正書

今在鄖縣草堂寺內題曰吏部南曹石幢頌并序秘書省正字左光胤撰序醴泉縣丞尹匡祚撰頌天寶元年九月建序述吏部南曹尹謙光等建幢之事後書經序及經石幢中書經序甚多其詞恠誕不足錄也

玄元靈應頌 八分書

今在藍屋縣南三十里樓觀碑首篆書開元天

寶聖文神武皇帝夢烈祖玄元皇帝靈應頌并序二十三字碑後署朝散大夫守倉部郎中上柱國戴旋撰序朝散大夫守戶部郎中劉同昇撰頌開府儀同三司尚書右僕射曾孫戴俊書天寶元年歲次壬午七月癸卯朔十五日丁巳中元建按戴俊唐史無考所稱曾孫曰旋已撰序耳疑是族孫不然曾孫已為僕射安能與乃祖同時撰序作書耶

趙崡曰此刻於宗聖觀記之北而唐人分書甚佳但經元人翻本減弱矣碑側宋蘓軾書并題

轍詩歲久剥落元人別摹一碑視碑側字法亦減此顧林亭據取石墨雋華諸跋語附見於靈應頌後前人之不沒人善不肯一語雷同若此

孝經 八分書

今在西安府儒學碑四面上蓋下座形制甚偉碑額篆書大唐開元天寶聖文神武皇帝注孝經臺十六字第一行孝經序第二行題曰御製序并注及書其下小字曰皇太子臣亨奉勅題額第三行至第十行皆序文其注處皆作雙行孝經盡處為正書李齊古表後有天寶四載九

月一日銀青光祿大夫國子祭酒上柱國臣李齊古上表後有玄宗批答三十八字字徑四寸其下分四格書李林甫等四十五人

顧炎武曰有特進行尚書左僕射兼右相吏部尚書集賢院學士修國史上柱國晉國公臣林甫光祿大夫行左相兼兵部尚書弘文館學士上柱國渭源縣開國公臣李適之等四十五人姓名惟林甫以左僕射不書姓中間人名下挽入丁酉歲八月廿六日紀九字是後人所添是歲乙酉非丁酉也又末二人官銜下不書臣亦

可疑

按四十五人中有儒林郎守主簿崔少容亦不書臣蓋偶失之耳

竇居士神道碑 行書

今在三原縣北十里橋頭鎮碑首已失題曰唐故逸人竇居士神道碑并序北海郡太守李邕撰河南府 縣進士段清雲書略云居士諱天生字白 扶風人也曾祖居士諱顥祖居士諱希求考居士諱 長子處賓仲子思賓季子元禮天寶六載歲次丁亥二月丁未朔八日

甲寅嗣子上柱國思賓季子梨園教坊使制新
加銀青光祿大夫行內侍省内侍元禮等建宣
德郎前行將作監右校丞范岌題額并鑄金石
文字記作在咸陽誤此居士者其子數人俱為
宦者已獨事佛稱居士者也能使北海為之撰
文霍寶之威亦云盛矣

周夫人墓誌銘 正書

今在西安府城南二十里杜城乾隆丁丑土人
取土得之題曰大唐故義興周夫人墓誌銘并
序略云夫人義興人也為太原王府君靜信之

妻春秋六十有五以茲吉晨赴杜城東郊岳也
匪才忝為敘述天寶六載十月三十日葬此石
高尺五寸廣亦如之字僅二百七十餘小楷極
精可喜也無書撰人名姓有云岳也匪才當是
撰人名耳

金剛經石幢 行書

今在西安府城南三里李家村蔣圖撰清河張
貴書序天寶七載歲次戊子三月廿八日建

崇仁寺陀羅尼咒石幢 行書

今在西安府城西門外五里崇仁寺幢高二尺

餘止書呪語天寶七載五月十五日建其後列
內侍五人直官三人又駕士長上扶車長上等
六十人止五人有姓名者集賢院侍制張少悌書

多寶佛塔感應碑

正書

今在西安府儒學碑首八分書大唐多寶塔感
應碑題曰大唐西京千福寺多寶佛塔感應碑
文南陽岑勛撰朝議郎判尚書武部員外郎琅
琊顏真卿書朝散大夫檢校尚書都官郎中東
海徐浩題額天寶十一載歲次壬辰四月乙丑
朔廿二日戊戌建金石文字記作感應篇誤

楊珣碑 八分書

今在扶風縣碑首篆書弘農先賢積慶之碑八
字題曰 武部尚書鄭國公碑銘并序次行
正書御製御書皇太子臣亨奉勅題有云右相
國忠之父也公諱珣字仲珣華陰人也曾祖汪
隨國子祭酒吏部尚書戴國公烈考志謙青城
令追贈陳留太守公享年五十有一開元五載
遘疾終夫人中山張氏以開元二十七年十月
十六日合葬於岐陽之安平山天寶十二載三
月重贈公武部尚書追封鄭國公夫人鄭國夫

人此碑甚鉅高二丈廣一丈額字大徑尺許碑
字大徑二寸碑下半殘缺存字及千珣者楊國
忠之父為之製碑逾制著此未幾而祿山反玄
宗幸蜀矣碑之存所以著其君臣之過也安得
與他碑同日而語哉

內侍孫志廣墓誌

行書

今在西安府城東十五里田家灣乾隆丁丑土
人取土得之題曰唐故內侍省內常侍府君
墓誌銘并序朝議郎行陝郡平陸縣尉申堂構
撰文林郎行文部常選上柱國南陽韓獻之書

略云公諱志廣字惠達富陽人也天寶十二載
十一月十一日寢疾終於咸寧縣來庭里之私
第春秋五十二即以明年夏葬於長樂原誌題
府君之姓已漫滅不能識誌中有云昔吳稱帝
業飛龍蔚起於江東故定為孫姓云

贈工部尚書減懷恪碑 正書

今在三原縣九陂城減氏墓上碑首篆書唐故
東莞減公神道碑九字題曰唐故右武衛將軍
贈工部尚書上柱國上蔡縣開國侯減公神道
碑銘并序金紫光祿大夫行撫州刺史上柱國

魯郡開國公顏真卿撰并書翰林侍詔光祿卿
李秀巖 略云公諱懷恪字貞節東莞人曾
祖滿隋驃騎將軍祖寵皇通議大夫靈州都督
府長史父德朝散大夫贈銀州刺史公即銀州
之第三子也開元初遊平盧屬奚室韋大下公
挺身與戰所向摧靡玄宗聞而嘉之拜勝州都
督府長史俄封上蔡縣開國侯開元十二年薨
享年五十六贈領軍衛大將軍公兄左羽林軍
大將平盧副持節懷亮七子遊擊將軍崇仁府
折衝希宗豐州別駕贈宋州刺史希昶左武衛

將朔方節度副使贈太子賓客希忱右衛左郎
將劍南討擊副使贈汝州刺史希愔右驍衛郎
將靜邊軍使贈秘書監希景寧州刺史左金吾
衛將軍贈揚州大都督希晏開府儀同三司行
太子詹事兼御史大夫邠寧山南觀察使集賢
待制工部尚書渭北節度使魯國公希讓臧氏
自天寶距於開元乘朱輪而拖珪組者數百人
按李秀巖下缺二字疑是題額字

金石文字記云碑文有廣德元年十月字按懷
恪以子希讓貴贈工部尚書即其時也

按集古錄跋後漢司隸從事郭君碑云前世碑碣但書子孫而不及兄弟惟郭氏載其兄弟甚詳其以家世為重不若今之苟簡也今懷恪碑亦載其兄深得古人之意至唐碑多用駢體以散體行文疑自此碑始也

臨淮王李光弼碑

顏真卿撰

張少悌行書

今在富平縣儒學金石文字記云廣德二年十

一月

張希古墓誌銘 行書

今在西安府南鄉乾隆戊寅土人取土得之題

曰大唐故游擊將軍守左衛馬邑尚德府折衝
都尉左龍武軍宿衛上柱國張府君墓誌銘并
序雁門田頴書略云張公字希古以天寶十四
載十月十七日終於醴泉里私第春秋七十有
三天寶十有五載四月二日窆於鳳城南樊川
之北原子三長曰行瑾次曰崇積並武部常選
季子談俊衛尉寺武器署丞天寶十五載歲次
景申四月甲申朔一日甲申建按誌中止書字
而不著名文亦庸近其書法道媚為可存耳
左金吾衛將軍臧希晏碑 八分書

今在三原縣九波城碑首篆書唐東莞減府君
神道碑九字碑題及第二行俱漫滅其二行之
末有撰字隐隐可辨乃撰文銜名也三行朝議
郎行衛尉少卿淮陽縣開國男賜絳魚袋韓秀
弼書略云有唐廣德二年八月五日朔左金吾
衛將軍減公薨公諱希晏字恭靖曾祖君寵通
議大夫靈州長史祖君德銀青光祿大夫銀州
刺史贈太子少師父懷恪右領軍衛將軍魏州
刺史上蔡侯贈工部尚書贈母燕國夫人劉氏
公之季弟希讓御史大夫工部尚書渭北節度

贈太子太師嗣子睦王府長史琳獻次子郢州
別駕琳雅季子河府河清縣主簿琳清此碑
已漫滅惟世次尚班班可考其祖官爵與懷恪
碑不同乃懷恪葬後德以孫希讓貴加封耳

郭敬之家廟碑并陰

正書

今在陝西布政司二門內碑首八分書大唐贈
太保祁國貞公廟碑題曰有唐故中大夫缺九字
州刺史上柱國贈太保郭公廟碑銘并序御題
額金紫光祿大夫檢校刑部尚書魯縣開國公
顏真卿撰并書廣德二年歲次甲辰十一月甲

午朔廿一日甲寅建

碑陰

男

昭武校尉守絳州萬泉府折衝都尉上柱國子
璠

子儀武舉及第

歷叙官爵云云至

又拜尚書令

兼中書令餘如故

此建碑時官爵故無尊尚父等事

游擊將軍左武衛將軍上柱國子雲

朝議郎行延州都督府法曹參軍子瑛

朝議郎行衢州盈川縣尉子珪

銀青光祿大夫衛尉卿單于副都護振武軍使
朔方左廂兵馬使上柱國幼賢贈太子少保
正議大夫光祿少卿兼漢州別駕賜紫金魚袋
上柱國幼儒

銀青光祿大夫太府卿上柱國太原郡開國公
幼明

銀青光祿大夫試鴻臚卿上柱國幼冲

按碑陰列郭敬之男九人此可為碑陰之式故
詳錄之又按碑陰作行書與碑銘正書小異第
考所書官爵與建碑時合似是一時所書不應

又出一手且字畫與魯公書法亦同其為魯公所書無疑也